



白華樓吟稿卷之四

歸安茅坤順甫著
邑人姚翼翔卿編

五言近體

六子詠 有序

六子者錢塘翁相會稽沈鍊雲間莫如
忠未嘉侯一元王德逮予坤而六也初
釋褐時五子者方嶄然以古人文章行
誼相砥礪予不自量亦爲之斤斤驅馳

倡和其間未幾散去侯子首以刑部郎
乞疾歸海上次則沈子錦衣奏封事徙
塞外又次則翁子繇廣東僉事相繼各
州提學副使王子繇廣東僉事相繼各
上書免官去嗟乎五子者已稍稍以始
相砥礪顯聞於時而予獨頽然故吾猶
挂仕籍間甚矣其可爲歛歎太息也已
於是卽日草疏自劾爲感五子各詠一
章并自系之篇末而因以貽書報五子

云

翁太守相

聞君去郡日吏民爭挽車歸來寡賓客閉戶賦
閒居草色臥吟處松聲宴坐餘西湖煙月夜猶
自載籃輿

沈錦衣鍊

官不過執戟諫書何太狂寧無戀妻子祇爲報
君王胡馬愁難蹀越禽空自翔忽聞塞上曲攬
涕欲霑裳

莫提學如忠

憐汝猶蚤歲強自謝

明君篋有陳情表

時莫以母

老上書免官

囊無乞巧文山松桂雨江上芰荷雲

何日挂冠去翱翔鴻鴈羣

侯郎中一元

中林臥已久曾訪赤城無未擬形嘲影還將爾

喪吾口嘗遍百草手注只陰符蒲告未須出應

憐三徑蕪

王僉事德

終軍數請纓諫署早知名

庚戌虜犯京邑王君出頭建言未雪

匈奴恥先投嶺海行棄官勿復道逃影欲何營

倘過燕齊上為訪安期生

自詠

穆生去已久吾獨戀微官借問銀魚袋寧如竹

籜冠抱廬千樹荻隔水一魚竿應歎逃名晚何

言脫屣難

七夕過濟上訪靳兩城不及賦詩寄之

美人不可見况復是佳期獨倚支機石堪憐牛

女帷盈盈隔河漢脉脉阻光儀空抱七襄詠何
當寄所思

同愈是堂年丈北上渡淮後杳不相及輒
賦淮南鴈一首

淮南一行鴈遽爾各翻飛落日長鳴侶清秋何
處歸稻梁空自啄江海共言違安得邀天路連
翩向帝畿

贈聊城陳醫士

齊南賣藥肆問姓卽韓康海上仙人草壺中玉
女漿身常跨白鹿手自註青囊五言亦愁多病從
君乞異方

武林贈洪地官方洲

畫省接仙郎分符出尚方看山將吏隱退食每
蘿裳袖裏南征草懷中漢署香芳心何以贈樹
色共斜陽

王進士七試禮部始就第又不與試館閣
賦詩嘲之

憐君數獻賦歲晚召公車猶自不得意寂寥恒

燕居故人無狗監誰爲薦相如客難何須擬閉門且著書

永嘉侯郎中乞疾避去海上十年矣近以謁選過京邑戲贈

君家赤城畔歸臥幾經秋復道馮唐老言從洛下遊青囊肘後繫甲子壺中流自笑非從宦浮湛似海鷗

江上對月二首

月向江干好况牽秋色來分宵看不盡千里掌

中開拂露孤雲沒凌波一鴈迴平生不愛飲於此亦盈盃

猶言可憐處子夜漏殘時河漢半清淺煙雲共蔽虧餘花欲泣露栖鳥忽驚枝對此不能寐清光誰解持

月下懷查吏部近川

中散今宵月山濤何處看長安不可望遙憶在雲端建禮舍香罷明光起草殘應憐遠遊客鳧鴈對江干

董太史久不調官戲題奉訊

漢庭擅才譽早歲侍甘泉十載猶不調一官堪
自憐諸生遍齊魯同輩半貂蟬笑問楊雄侶閉
關空草玄

潞河阻風雨簡京邑諸舊游

萬里朝元使孤舟風雨寒去天云尺五何處望
長安畫省言題草仙宮擬握蘭故人猶阻隔遙
憶漢衣冠

過慈相寺

谷轉松蘿僻山藏帝梵家中林問禪寂隨路入
空花有覺猶塵劫無生是法華招提今日過早
已解金沙

過水晶院

上方山色裏迢遞帶人天水學花源抱林平鳥
路懸竹間僧語偈巖下虎依禪我亦逃塵劫來
從習梵仙

雨中山行

松蘿初轉嶂霧雨復霑襟已沒采樵路那聞雞

犬音林疑牽葛遠山爲聽泉深卽此探仙訣秦
人何處尋

立馬

立馬轉山原愁當雨雪繁三家谷口市獨樹舍
中村借蓋從誰卜求炊無應門遑遑似栖鳥何
處寄征魂

訪錢海山先生席上賦贈

聞道東山臥風流倍昔年花間頻頌酒醉裏自
呼仙舞映青樓月歌調白雪絃今朝門下士叨

列絳紗前

禪房雨霽簡緝上人

客心與禪寂偏愛雨初收雙樹寒無影孤煙澹
欲流風吹河漢夕雲散海天秋共指峯頭語山
僧有惠休

贈呂山人需

曾作布衣俠鳴鞭向塞垣將軍擁劇孟座客訝
陳遵不遇恥彈鋏歸來且灌園柴門隔流水獨
諷道家言

爲胡督府賦紅戰袍

年來好重鎧復道襲緋衣海上霞分彩林中日
避輝戰酣驚汗馬羽獵閃朱旂夜半櫬槍照應
馳萬里威

秋夜江上聞笙吹

林靜夜無聲誰裁隔水笙兼秋度木葉帶雨散
江城併入關山夢翻愁客思盈當盃不忍別幾
解曲中情

贈秋山翁

山色秋如洗仙人拄杖間青霞挂石壁白日抱
松關不羨金門寵還將桂樹攀丹砂倘可煮長
此駐朱顏

冬日雪霽客有載酒攜妓晨遊城南諸山
紀事

茗上多山水朝來氣轉嘉歌聲奉澗靄舞袖薄
峯霞草樹催春色人憑欄雪花輞川與金谷今
日競繁華

無題

落日客已散當盃情倍深隨風欲解珮臨水復
攜琴草戀分舟綠雲遲去旆陰涕言江上路還
向夢中尋

雪後翫月

巖阿臥積雪仍有月如秋爽氣林間歇清光掌
上流栖鳥語深樹畫吹起南樓茲夕誰能賦梁
園客姓鄒

溪橋下憇坐

廣平道中作

芳草鞅初臥夕陽山未沉微雲澹孤壑流水落

層林暫此幽棲境閒窺吏隱心何當鳥來助并
起丘園音

送沈樟亭赴楚藩

驛路江楓外言隨帝子遊官無過驂乘才不
羨枚鄒雲滯章臺夕天寒夢澤秋到來投賦草
能似子虛不

從獲鹿南遊諸山

路入煙蘿嶂嶙峋掌上題山經不可載漢姓許
終迷洞有青牛氣巖餘丹竈泥若非宦飄泊那

得此遊栖

同郡守唐小潭行縣馬上口占

言陪二千石乘傳詣諸州滿路歌車擁中天畫
吹流游童看雉狎采女詠桑柔他日傳循吏懸
知并督郵

大名少府崔栢溪擢山西屯田僉憲贈別

微官喜接郡雞犬共相聞同是悲秋客頻傳弔
古文豸衣河上使田鼓晉陽軍檄至總嗟別况
吾深念君

夏日晚發唐山道中

初夜發山郵依微樹色幽朱明不改夏碧落迥
含秋纖露拳林濕涼雲拂野流我行殊未已何
處駐鳴騶

登叢臺弔古

一眺叢臺上孤城欲暮時綺羅言已寂芳草暗
含滋泣露蜚移堞銜花雀隱枝忽聞雍門曲併
落照眉池

夏日雨中同唐小潭栗晉川過連中丞白

石宅宴集

使君能愛客偏向雨中攜暑氣青林歇涼痕碧
草萋但教盃入手詎惜醉如泥願掃席間壁同
遊一共題

夏日雨後齋中露坐

疎雨過城原涼颼生戶軒寒蛩入夜語落葉先
秋繁席上河初徙窻中露可捫盈盈言不寐微
步獨思存

夜坐偶述

落月猶挂壁微霜初渡河羈心不自寐歲暮欲
如何古樹青簷倚巖城白鴈過生平一片氣攬
帶且長歌

雨後郊行

片虹收宿雨微日挂高原谷口雲分路天邊樹
合村初尋芳草色乍聽幽禽喧願向躬耕者停
車一晤言

過練湖書院懷菲泉先生因簡丁姜諸兄
湖色猶如練說經人已非絃歌芳草寂池館夕

陽歸鳥跡餘題字林香沒舊衣獨憐齊魯士吾
道卜何依

夜泊錢塘江上

江行日已暮何處可維舟樹裏孤燈雨風前一
鴈秋離心迸落葉鄉夢入寒流酒市那從問微
吟寄短愁

駕出南山

戊戌年初釋褐時作

禮官歷吉日太僕引蒼虬洞啓西陵道還瞻泰
時遊飛花承鳳輦香靄護雲裘此日華鐘發鈞

天滿 帝州

訪薛方山考功山中

仙郎暫休休採藥事長生囊裏黃金液糧兼秋
菊英種魚經臥讀高士傳齊名怪爾逢知己猶
言倒屣迎

哭來禮部菲泉先生二首

一日泉臺閔雙鳧會不飛明光塵諫草建禮寢
朝衣人物占蒿里天文落少微夔龍分禁外何
處訪容輝

仙官初被命郎位忽亡星正憶蘭熏待何堪薤
露零九關沉玉鑰三殿罷香靈 天子中朝
問應憐漢柱銘

遊楊相國故園 乙未年

林毀似秋歸臺傾半倚暉人隨芳樹寂客到曲
池非月駐疑歌扇雲飄憶舞衣繁華何處散應
和百花飛

爲王孚齋使君題一枝窩

憐君抱膝處聊向一枝分豈乏鷓鴣翻言將鷓

鷓羣興來時倚竹睡起數看雲幾讀南華罷齋
中落葉聞

寄贈陳刺史山中 庚子令青陽

挂冠亦已久獨弄丘中琴數載淵明酒言開叔
夜林薜蘿成野服山水足清音何日招巖穴同
攜芳桂陰

旅夜聞鴈

冰雪孤城上堪憐旅鴈飛由來江海性豈羨稻
粱肥寒吹傳哀響明河濕羽衣故鄉五湖曲歲

暮共言歸

贈介軒先生

南州有處士郡邑不知名數倚門前柳間聽竹
裏鸞翛然臥田里共羨古先生復道賢郎第何
如金滿籬

金前淙趙麟陽二侍御入朝賦贈

雙綰青絲驄乘春千里同言隨騎省直入謁建
章宮天漢恩波近星垣御氣通遙知珥貂貴避
路百花中

謁堯廟

落日暗郊原蕭疎寢廟存河山功德舊垂象冕
旒尊鳥跡前朝碣藤花複道垣小臣拜稽首萬
古頌乾坤

夜泊浦口忽懷故鄉感賦

春淺冰初綠沙寒鴈不棲孤燈聊自媚遠樹轉
含淒隔水明河挂泐波宿霧迷羈心并鄉思今
夜五湖西

保定道中哭邵康山憲副

丙午

鵲印腰初佩云何倏遠行來尋賦鵬舍惟見暮
雲橫簫鼓聲猶咽烽煙恥未平故交今寂寞能
不爲霑纓

首春次安肅縣二首 丁未

山城喧社鼓游冶屬芳晨陌上採丸騎林中射
雉人年光浮綺吹日氣抱紅塵馬首多春色還
憐旅鬢新

旅鬢忽已換春風誰解攜泥融沙磧縣冰落塞
垣溪野戍煙初綠王孫草復萋芳郊一以眺總

爲宦遊迷

李喬菴侍御遣使饋酒饌

使君憐旅食贈我青琅玕石髓仙人饌雲漿玉
女餐烹芝來野炊射鴈出雕盤遠道云何報凌
風雙羽翰

安醫生饋藥過灤城道中以詩酬之

期生東海上採藥幾經春暫枉幽栖駕言尋吏
隱人手持金蘂草頭戴白綸巾攜我挂冠去青
山學避秦

始至廣平郡中簡呈郡守潭公時小潭入
覲長安

言位二千石來從山水州采詩問民俗撾鼓賽
春疇荷檻侵官舍魚梁帶戍樓環滁林壑美幾
日醉翁遊

贈董潯陽潘天泉二內翰

金馬棲方朔甘泉侍子雲清秋雙珮入仙漏
九重分彤管朝隨輦天香夜共焚願言沐恩寵
長此奉明君

殷白野乞疾入山久矣頃以督學過浙隨
叅江藩賦贈四首

平生愛禪寂抱病似維摩長日支頤臥空庭芳
草多吏人花外散麋鹿雨中過古有金門隱知
君姓不磨

豈解嵇康嬾翻耽楊子玄不將文飾吏還以病
逃禪篋裏方書貯壺中石乳懸年來宦江海半
是習遊仙

但欲思投劾何嘗歎積薪身猶佩漢印名已避

秦人海上赤松侶
山中勾漏春
聖朝戀才彥
此日赴徵輪

年來已白髮
相見復移官
倏爾飛鳧鳥
誰能問
鷓冠我留吳市臘
君犯楚江寒
攜手不堪別
願言加一餐

徐憲使謝客禪樓湖上予間道訪之賦贈

挂瓢飛靄曲
徙倚獨相尋
路傍菴鼃窟
花經龍象深
君逃日裏影
我遊谷中音
相對默無語
白雲流梵林

夜宿北關

盡日牽江杜
投昏傍水城
孤燈懸暮雨
一鴈寫秋聲
望入關河暗
愁依鼓角生
鄰舟夜乞火
相對總含情

吳生過席上戲嘲之

憐君不得志
千里獨相求
射覆占時好
狂歌滿貴游
花間吳市酒
雪後剡溪舟
試問滄洲客
何如閑一丘

夜訪范太史山居

入夜占星色言尋太史廬山邀謝康樂林臥漢
相如竹裏泉迎炬花間鹿引車到來多逸興翻
擬共逃虛

贈孫曉江秀才

憐君年四十猶未赴公車林有圖書潤家無僮
石儲賣文輸社券掃葉供山廚好客仍忘倦一
瓢恒晏如

莫中江年丈過浙感懷賦贈二首

從君乞山後我亦罷官歸萬里江湖迥三秋鴻

鴈稀雪殘別後鬢雲寫夢中衣此夕雙龍劔清
秋共落暉

試問看花伴洛陽能幾人鴈行盡凋落鴈塔半
風塵我已甘投壑君無歎積薪秋來樓護輦聞
已散平津

錢塘市觀春

河山千里郡城邑萬家春袷服青樓女香車紫
陌人如雲三輔俠似綺五陵塵共說豐年兆行
看斗柄新

正月十四夜旅泊召上漫興

獨臥江城晚空瞻火樹春樓臺暗傍雨歌管寂
無人檻外魚龍近窻中鳧鴈親何如游冶客雜
還百花塵

中江方伯上疏乞休以詩阻之

知君厭朱紱再上乞山書豈不懷 明主翻令
返故廬西湖堪載酒散吏卽逃虛方朔金門隱
何須東海漁

喜東吳莫中江西蜀馬玄岡二年丈被徵

過浙賦贈

蜀錦與吳鈎言逢 明主收十年甘抱犢萬里

復鳴騶露冕春初遍乞山書已投 時中江公猶

聞賦招隱杖策獨相求 上疏乞休猶

酬張山人

憐君臥吟處空館寂無人谷暗蘼蕪雨林藏薜
荔春突煙晝不起山鬼夜爲鄰寄我題詩草猶
能不厭貧

弔南吉何都閩詩 并序

少司寇吉陽先生嘗遣伯子南吉從予
遊爲文章間嘗倚馬輒數千言蓋千里
騁裒才也已而棄去以武胄起爲楚上
守將客有傳之者曰君特憤國家多烽
燧士大夫不勒習戰陣翹然自喜欲附
舍班超投筆故事且畫地封侯以爲功
於時云俄而君之計至矣予其能無痛
而爲之泣下霑襟也乎沒不及憑其棺
葬不及號其墓而弔之以詩二首

學書翻學劍復道治孫吳自喜萬人敵能變五
石弧飛仗曾冠楚俠氣欲吞胡河鼓中宵墮南
州猛士亡

誰言將家子恥作一文儒馬上陳琳檄囊中黃
石符聞雞起自舞拔劍醉還呼萬里封侯氣猶
憑隴樹無

過桐君山

仙人已飛去姓獨挂空山芳草幾迷路白雲誰
共攀嶺猿相叫嘯江水復潺湲落日松風起疑

邀笙吹還

晚泊桐廬江上

夕陽山最好况復瞰江流遠岫縈如帶孤洲亘
若浮飲猿窺壑挂宿鳥向煙投明月東林轉呼
童傍賈舟

讀黃五嶽集悲感賦詠

蚤歲過江夏呼予似禰衡予今已撤瑟敢復附
同聲六代看龍躍西京誰虎爭遺編猶及捧讀
罷淚霑纓

袁太冲由胥江過訪旅舍欣然命酌已而
復邀同宿三茅觀最高處

望氣胥江上氤氳紫色來君投高士傳我酌故
人杯瓊樹看雙倚雲花喜共開相逢不忍別醉
上步虛臺

賦得千里駒贈施生

天駟照吳中桃花五色驄雲間擬飛燕海上宛
驚鴻雪度玉關積霜驅紫塞風他年漢天子不
數貳師功

過訪李岫嶺山居賦贈四首

將軍少擊劔恥共世浮沉獨着黃冠去言依青
嶂深林中看虎嘯花外聽猿吟誰謂閉關久猶
逢空谷音

愛君挂瓢處長日俯煙蘿葉覆圖書潤枝縈枕
簟多興來忘日暮臨去盼巖阿別指雲深路僧
龕一鳥窩

泉引穿楹竇林寒曲洞花壺中浮日月掌上弄
煙霞五柳先生傳三車大士家朝朝坐松露手

自詠

花外家書絕囊中故劔空只求了生死勿復問
窮通澹宕漢陰叟逍遙河上公他年銘墓碣不

媿古人風

時岫嶺山人乞
生誌故及之

訪縉上人山中幻居卽故葬師墓處

已悟如來幻猶憐舍利藏辭家浮絕壑持鉢乞
餘糧龍象煙蘿曲鹿乘燐草旁不妨風雨夕山
鬼嘯空梁

贈同年陳梅山二首 有序

陳梅山憲使公故嘗持節督兵海上以
戰功聞已而被讒罷官去歸且十年矣
頃復仗劔過錢塘語及往事頗躑躅起
舞蓋千里騷裹才也不忍困於槽櫪之
下故不得不嚙足而悲鳴耳予得悲之
聊贈短什其古之所謂怨而不誹者乎
陳君膽氣麤醉擲酒家胡言學萬人敵能開五
石弧散家募死士袒臂博倭奴試問功成後還
逃海上無

咤爾能驚座相逢猶少年狂呼恨囊處飛辯似
河懸人豈終軍後名疑博望前欲提三尺劔萬
里佐樓船時公自期入廣仗劔勒戰

陳憲副期予共事予謝不能再爲言別

勿厭安期叟言從海上歸手持鵝蕊草身看野
人衣敢謂逃名久還貪戰勝肥願君封爵後共
息漢陰機

寄題鶴溪草堂

聞爾挂瓢處清溪傍鶴林臨風發阮嘯流水入

稽琴已洽丘中賞還期物外尋何時賦招隱同
過百花深

題聖水寺聽松堂

何處起仙梵風來轉翠微初隨清磬發翻雜散
花飛生滅了無相泐寥音乍希窻中白猿挂向
我問禪機

袁太冲除服後迤邐西湖諸名山邀予過

華陽洞訪姚太守賦贈

聞君除服久猶復訪名山徧踏蘼蕪過頻將松

檜攀聽猿尋谷口抱犢向林間此日錢塘市同
攜扣閉關

訪姚太守禪棲別業

路入孤雲杳中林起洞天穿巖築丹室面壁習
金仙玉塵藤陰挂繩牀竹裏眠南陽舊太守到
此幾經年

辛未秋有客攜酒追壽西湖飛來峯下賦
詩謝之

却笑東方朔竊桃西海來言追綠雲嶠醉我紫

霞盃白鹿花間駐
青口天掌上開
飛來峰色好
暫擬歲星臺

秋日胡茂承自歙持許太史書過訪草堂
客過愚公谷
言攜太史書
林中讀賦草花外駐
巾車攬帶微霜候
褰衣旅鴈初相逢
不忍別落葉滿庭除

再過西湖

日日西湖上
煙波客當家
衣雲噴洞瀑
塵拂覆巖霞
帝子祠前草
仙人閣上花
隔林賦招隱
何

處訪丹砂

晚過省城邸舍一首

經時謝城市
曲巷閉松蘿
珠履已飈散
庭除可雀羅
塵編蠹且盡
故劒蝕偏多
日暮空林裏
臨風獨盼柯

寒柯不改葉
雪草尚含滋
世事特流水
人情非昔時
荒庭少屨跡
客幕網蟲絲
解橐無他貯
南華一卷隨

青門過訪賦贈

無耐別離久况逢衰暮時看花林作霧對鐻鬢
皆絲不獨精詩律還兼老畫師興來指江水故
灑墨爲池

蘭谿江山人過訪邸舍投之以詩予自外
來歸而山人行矣口占一首

山人猶未面千里贈吳鉤錄鏐飛冰雪清光射
斗牛馬蹄忽星散鶴蓋已雲流欲擬七襄報珮
刀何處投

過督府胡公祠賦詩四首

戰骨已云沒遺弓猶在茲江山流涕淚日月閃
旌旗萬里鯨鯢淨孤城伏臘祠忠魂何處弔故
壘嘯寒鴟

漢室悲銅柱秦人泣杜郵共憐汗馬日言被檻
車收戰甲銷夷海烽煙罷戍樓到今聞莫府緩
帶併輕裘

遺骸猶藁葬廟像肅城闈未賜邨連冢空憐畏
壘人我來投弔草祠下薦江蘋落日松風裏猶
疑鼓吹陳

先皇知最久幾擬冠軍侯豈謂謗書至翻爲請
室囚陣雲花外壘成月水邊樓欲草招魂賦星
文落旄頭

哭郡守史瑞菴公公下車來爾百三十五
日而臥病者餘白日沒之夕闔郡吏民號
而泣曰古之子產也其櫬之行也予迺賦
詩四首令里兒習而歌之以附薤露云

抵郡未半載抱病經十旬蒲鞭僅一試寒谷盡
占春猶擬淮陽臥還稱渤海神忽聞已仙逝流

涕欲霑巾

鶴猶唳明月琴已罷朱絃不見風流調堪憐印
鞞懸謳吟填邑里縞素帶山川峴首碑羊叔應
知墮淚年

一麾初出守五馬遽云亡已散花間吏還稱地
下郎川陂流欲咽草樹慘無光讀罷招魂賦淒
風似斷腸

畫熊不復出巷哭擁江城萬戶生芻束千林絕
杵聲淒雲飄故劔細雨濕銘旌心折山陽笛秋

風無限情

答鄭傳巖尋山

誰將天地巧引入萬山中
百里飛蛾嶂層關勒
馬雄巽峯從卵落乙穴與辛通
他日藏弓劔千秋猿鶴同

過小溪贈吳翁

溪上多佳氣山翁半畝廬
軒楹武夷曲人境鹿柴墟
泉碓翠微裏石田丹巘餘
我來賦招隱秋色滿輶車

乙亥秋尋山經埭溪痛飲吳南園家已而

雪夜重過復遣使貽酒謝之以詩二首

秋來已投轄雪裏復攜壺
好客如君少貪杯似我無
葛巾漉且飲藜杖醉還扶
此日題詩謝何如賞酒符

曾聞太常署又見白衣年
琥珀花間映鴟夷竹裏傳
三盃且樂聖五斗復逃禪
康樂尋山轉頻經漢酒泉

又飲吳山人姪龍川家再賦一首

步兵多逸調再過阿咸家初種先生柳頻邀長者車
雕盤供射雉金椀泛流霞山簡醉扶騎那堪雪作花

春日過訪崇德蔡令不遇

不見雙鳧鳥春城滯客星蓋公堂已閉王粲眼
誰青公築迎賓館榜曰倒屣迎王粲開堂引蓋公那共今嘲古翻憐
影贈形慙無縮地術落日倚津亭

婺州汪蘆汀山人囊詩稿過訪草堂謂少司馬汪南明公嘗讀予文至論海寇事宜

與訟督府胡公功罪書系欵稱善者久之且恨世之不及用也予輒大笑賦詩答之
司馬憐衰颯平生多苦辛馬援畫山谷劉向訟
甘陳往事已雲散只今惟釣緡何如花下酒共
醉五湖春

王芝田治少兒痘瘍幸已得解賦詩謝之
人生共患痘况我復嬰兒夜半投仙草朝來飲
上池神蛟初蛻骨瓊樹併抽枝他日看雲杖牽
衣早解隨

西湖聞王龍陽還越詩以送之

西湖秋可掇忽爾歎離羣芳草愁分珮寒花欲
贈君若邪洲上月禹穴洞中雲倘及憐羈旅還
攜共我聞

雨中覺上人攜壺過憑虛閣

山色空濛裏攜壺過翠微興來不覺醉坐久忽
忘歸倚檻花如沐當盃鴈不飛豈應同習梵到
此總禪機

濮秀才讀書精舍

不知空谷裏別自構精廬林縮湖光遠泉分石
竇初閉門調乳鹿穿沼種鯨魚願借藤陰榻閒
看繕性書

送楊虹澗

公故湖州太守有惠政

甘棠茗水上露冕再經過郡已八年謝人猶五
袴歌停車問故舊別路歎風波峴首碑遺愛能
無涕淚沱

慎南野解官來歸賦贈

勿訝懸車早猶憐入社遲山靈虛左席秋色共

題詩且習嵇生嬾還耽老氏雌不妨故園裏日
日醉如癡

送金氏兩外孫遊南雍

言別母帷去南遊太學關鴈行秋色裏花萼日
華間客舍憐同被天梯擬共攀鄉書題捷處千
里慰衰顏

白華樓吟稿卷之四

白華樓吟稿卷之五

歸安茅坤順甫著
邑人姚翼翔卿編

五言近體

夜宿憑虛閣

幾上憑虛閣星河掌上懸漁燈侵遠嶂僧磬起
孤煙鴻鴈初流幻魚龍共傍禪散花何處落落倚
檻問諸天

憑虛閣早起偶題

西湖看不厭一過一迴佳霞矯窻中岫煙分樹
杪厓散花懸供外灑氣盪天涯對此探空幻禪
心與客懷

客棹湖上過訪憑虛閣席間賦贈

縹緲煙波上凌風一葦來自呼蒼水使過訪雨
花臺幘向峯頭挂樽移竹裏開牽衣不忍別故
傍暮鐘回

病足大佛寺中王方伯過訪未得謁謝賦
詩寄之

堪憐類躩者採藥向巖阿暫習支願臥翻勞擁
蓋過天邊來絡節花下問維摩安得凌風翰煙
波一棹歌

宿大佛寺憑虛閣適伯兄南寧公過客昭
慶簡寄一首

荆花看不見想只在巖阿同作禪關客猶迷鳧
鴈波磬煙分岫落鐘梵隔林過大被還誰共中
天倚檻歌

晚從湖上棹歸

西湖秀可掇况傍夕陽時峯故凌波射洲疑拾
翠移樓船罷歌舞人境藹招提歸路輕煙外王
孫芳草堤

王麟洲尚寶出叅江藩於其來歸也賦詩
二首

暫輟甘泉從言分藩徼司風流照三署賦草擅
當時江上滕王閣城南孺子祠遙知露冕暇弔
古併題詩

兩馮鳴洛水二陸起吳關當代風騷旨推君伯
仲間輞川初卜築賓客共遊攀花下傳新詠應
追大曆還

獨宿憑虛閣喜祥上人夜深來歸賦此
孤燈懸宿雨雙樹藹禪關暫此支頤臥誰同初
地攀散花青嶂外仙梵白雲間縹緲諸天界休
公擁錫還

青門先生輓歌五首

先生故善詩翰晚復以繪畫自喜當其
片楮所落人士爭出橐中貯以購之矣

獨落魄不羈頗似節俠客有持金而買
文者輒隨手盡遍以給帷中侍兒輩以
故晚年家益落甚且塵甑櫟釜而不顧
也嗟乎若先生者非古之所謂山澤枯
槁之遺而不以飢寒動其心者與予故
憐而哭之哭以詩五章書以投諸殯宮
之側且以邀社遊諸君子之聞而和也
結客少年日推君絕世豪對綃泣神鬼落楮泣
風騷言解青絲騎還投金錯刀當時盛意氣寧

戀一綈袍

豈獨詞場擅還看任俠軀千金思賣賦一擲笑
呼盧戶外屨常滿杖頭錢也無白頭妻不厭脫
珥貫鄰醅

逸調追懷素風流類大癡共看草裏聖復道畫
間詩衣繒供書帛江流作墨池我來題弔草能
不淚如絲

文園四壁立散盡黃金貲幾解橐中貯言投帷
下兒墓田知不給手墨可猶遺鄰有張堪在指馬

松里時時訪故帷

仙靈杳何處想只在西湖野寺社吟碣空山放
犢圖可憐散遺稿誰復共攜壺他日殯車過還
遲白馬無

過蔡白石司馬故宅

中郎今不見林業半丘墟客位燔歌榭文園毀
秘書山猶賦草色溪瀉墨池餘公子翩
前解候車

寄贈桐廬俞處士二首

伊人渺何處家住白雲深流水窻中瀉煙波掌
上臨幾回抱犢浴一曲滄浪吟祇許披裘叟閒
來拄杖尋

猶聞可憐處心與病相安閉戶閒爬蝨逢人懶
着冠採花調露飲煮石和霞餐卽此長生訣何
須羽化丹

送董氏外孫應試三首

世傳何氏易汝獨受春秋年似終童少名看江
左流父書讀也未師說解還不劔珮花間過清

光射斗牛

愛汝雙瞳炯時時煙霧橫少從秦博士名冠魯
諸生鸚鵡題爭羨靈光賦早成公車秋日赴萬
里共蜚聲

共推楊惲少外祖解私憐不獨春秋傳還兼史
記編名山藏盡讀逸氣爾能傳箇是佳公子翩
翩解額前

丙子夏六月二十日早起避暑西齋忽傳
李給舍移書索舊題雪夜過訪之作却寄

忽枉雲中札言邀雪裏題伊人竝冰玉開緘恍
招攜賦也 也梁苑幽襟憶剡溪炎氛坐覺掃涼
月挂林西

雪中過馬松里宅適招虎泉望陽珠山龍
洲三洲社飲賦詩予綴末席勉附四韻

飛爵寒猶射分曹興獨嘉人逢竹林社天吐玉
京花鶴毳輕還沒梅枝重欲斜雪封門外轄沉
醉孟公家

重過大佛寺看梅花

客裏嗟殘鬢湖邊貯早春却從初地賞不厭舊
遊人香雜梵流靄糝成佛現身散花何處落應
隔綺羅塵

贈楊虹澗運同

公故湖
郡太守

人挂循良傳官猶鹽菜司共憐虛席日翻訝積
薪時吏散寒花落庭閒碧蘚滋中朝倘借寇峴
首待君碑

雪霽過吳山眺望

登臺望雲物絕勝雪晴時萬戶冰壺影千山瓊

樹枝檻疑橫碧落杯擬泛瑤池獨有西湖色煙
波似畫眉

夜宿江口

夕向江潭上微風水不波離亭鄉語少鄰炊賈
煙多野戍殘冰雪漁梁臥薜蘿明朝挂席去共
指越山過

江上卽事簡友人

目昔稱佳麗我來風雨迷江靈疑避客山色故
含淒雪抱吳關遠天連越岫低美人今不見聊

寄數行題

過富陽江聞施博士解官簡寄一首

邑里過江千聞君已罷官谿田猶可秣園籜亦
勝冠且習嵇生嬾無嗟范叔寒釣臺知不遠倘
許共垂竿

過富陽江適邑侯李益齋入覲

雪色津亭迴春寒花事稀雙鳧何處覓遙向帝
城飛官舍臥雲曲絃歌流翠微故人不可見一
棹月明歸

桐江道中雪霽

客心與春興總待日華開綠吐雪殘草紅抽雨
後梅江隨客星轉山向越州來千里青蔥色相
將掌上杯

予少同俞泉亭博士小峯縣令受書萬松

閣今且餘四十年矣道經桐廬簡寄一首

伏氏尚書學推君伯仲間却憐少時別今已髮
垂斑夕嘯湖邊月朝舉江上山當年受經處安
得再攜攀

弔嚴陵祠

山川幾易姓祠宇獨經時不見披裘叟誰憐弔
古祠淒風喧暮雀落日嘯寒鷗言采江蘋薦空
林寄所思

過嚴州再賦

客星今不見姓却挂南州一日狂奴態千年江
水流林花開更落社燕夏還秋漢帝旌旄色猶
疑訪釣裘

宿柴埠

不堪風雨棧向夕臥汀洲野店連三戶漁煙帶
一丘江妃環珮冷鮫室杼機愁夜半占星色中
天挂席流

贈唐太史小漁

董生三策日漢闕五雲飛一忤平津客翻辭朝
請歸銀魚焚已久宣室夢應稀他日名臣傳君
家竝杜韋

江上望漁石公墓道輓歌一首

樗里墓何處南山佳氣中九原不可作天子

豈忘公秘器溫明藏
祁連戰伐功里祠習鼓吹
落日起松風

過蘭谿訪陸文學先投之以詩

占星澱水上君傍少微垣
不應賢良對惟耽薜荔園
竹間高士傳花下養生言
我亦挂冠久寧能春閉門

江上偶得輕舸棄傳乘流以進口占二首

薄遊厭治裝千里不齎糧
自笑五湖客翻投一葦杭
瓢移江賈月劒拂嶺猿
霜但盡看山興何

愁驛路長

分符與擁傳棄去幾經年
天上孤槎客人間一謫仙
馬牛呼欲應青白眼誰憐
醉倚江雲嘯中流獨扣舷

嘲雨

無端興蕭颯投賦弔江神
千里煙花勝連朝風雨
嗔寒鷓嘯空谷芳草怨騷人
康樂應同調題詩一唁春

江上初聞春鳥二首

春歸忽已半鳥向客中言帶雪舌猶澁臨風曲
未繁寒花迷野戍芳草怨王孫那謂無情感偏
摧遊子魂

冰雪關山遠何堪春鳥鳴忽驚故園調疑作斷
腸聲側耳夢初醒餘音愁自生羈心何處托江
上賦南征

江上歸興

連朝梯石棧此夕泝飛鴻雲影歸心外猿聲客
夢中萬峯孤劔出千里一帆通誰解神仙珮冷

冷獨御風

過七里瀧二首

江流迴絕壁千里夕陽開忽有飛帆出言從深
樹來山靈解招隱波色可攜杯賦草投何處乘
風揖釣臺

鳶站中天挂烏檣隔岫飛魚龍知避客薜荔獨
褰衣江買投青靄樵歌流翠微何當匿姓字從
此卜漁磯

江上阻風

臨流乘嶂出向夕
犯濤風雲壓鼉鼉
窟波搖日月宮
已看退飛鷁何處倚歸鴻
此夕羈心切應
憐河上公

再過桐君祠

幾度桐江上桐君去不歸
祠猶青嶂臥人已白
雲飛蓬島樓臺沒
緱山望幸稀
空留題姓處千載借光輝

聽雨

夜聽寒江雨一聲
添一愁孤燈對薜荔
芴千里臥

汀洲併入鄉心落
還兼客淚流何當乘醉夢飛
向故園樓

過鳳山覽翁中丞壽藏并先大夫墓阡

江水芙蓉帶鳳山
日月懸初瞻樗里墓復拜瀧
岡阡佳氣青蔥鬱
星文太乙連他年弓劔地可
卜世貂蟬

李給舍以太夫人病告歸予適雪夜過訪

朝上陳情疏夕聞乘傳歸
風塵千里劔雪色五陵衣
天遣凍雲合人將玉樹依
故知并久別佳

氣倍霏微

雪夜同友宿昇山道中

羈心何處折天上復同雲風急煙初暝林寒柝
不聞乾坤留瞥眼冰雪却塵氛此夜多搖落空
山獨對君

過仲兒偶題屏間

隣汝年猶少遠移茗水湄幾迴獨立日希遘過
庭時言抱食牛氣還看瓊樹枝清秋天漢上莫
遣鳳毛遲

正月十四夜過施南石對月宴集二首

謝朓裁詩興陳遵投轄情總憐杯得月共吸酒
如鯨媿我解醒調遺君好客名狂歌振林木深
夜鵲還驚

火樹千家競星橋十里塵何如林借月相對玉
爲人詩弔梅花臘杯邀蕙草春別歸不覺醉倒
着白綸巾

晚由冶嶺過聖水寺二首

芳草迎塵鞅層城帶梵林湖懸祇樹杪谷轉散

花深言解如來幻還看無住心人天龍象外滿
地布黃金

林度翠微曲城懸綠水隈綺羅倏雲隔仙梵入
天來落日西陵樹孤煙帝子臺上方看不厭歸
路絕塵埃

由武林歸忽見桃花

千里馬蹄雪一朝桃塢花天應憐久客春故寫
韶華碧吐林中玉紅裁水上霞故園心欲折傍
月夜還家

江上對月

月向羈心照林壑逸興多孤村臥雞犬千里挂
星河檻外魚龍窟杯前鴻鴈波迷津何處問隔
浦起漁歌

客樓夜坐

獨坐層樓上林深柝不喧孤燈蘿帶雨一卷楚
騷言欲草傷春賦空摧遊子魂羈心何處托哀
鴈落南軒

夢起

枕上路千里何堪風雨聲翻悲故園色併入客
心驚江畔王孫草林間遊子鷓鴣夢中留不住春
恨欲霑纓

簡費氏兄弟

君家伯仲氏佳氣似堪持林吐琴笙調人看鴻
鴈池白眉雙入眼玉樹共連枝此日題蕉葉春
江寄所思

過西湖遇風雨口占

西湖絕勝處風雨鬪妍時晝靄魚龍檻微茫鴈
鷺池綺羅疑避席薜荔獨牽枝願借漁家笠煙
波寄所思

司空朱鎮山繇郎署時言別京邑今且三
紀于茲矣頃者致仕來歸予逆之錫山道
中賦詩三首

天子憐耆舊傳恩返故廬外臣負弩矢中使護
旌車澹宕晉中散風流漢二疏探囊出賦草三
上乞山書

同舍壯遊日司空白首年別來亦已久相對各

凄然故劍不忘佩敝冠祗自憐牽衣共笑語落日五湖船

久宦悲風物停橈感故知江湖多弔草巖壑幾題詩媿我舌猶在憐君鬢已絲南州秋色好翻訝罷官遲

繼山

功攜酒惠山園亭宴司空鎮山公

予陪

席賦詩一首

席擁尚書履

分帝梵家軒楹半祗樹笙吹入

空花綰帶煙蘿影霑衣水木華歸疑虎溪路三

笑出飛霞

弔黃公澗黃公者故春申君嘗爲澗於惠

山之麓蕪廢舊矣秦虹洲給諫攜予過而

弔之賦詩一首

飛泉幾消歇空谷獨徘徊不是悲秋者那投弔草來散花天外落祗樹望中開珠履客何在惟聞松椽哀

過惠山秦氏園三首

初尋迦葉地併過仲長園花露午猶泫蘿煙秋

可捫不須金谷麗疑入武陵源迷路那從問山禽疑解言

江南佳麗地幻石與雕梁獨愛茲園勝偏多野興長洞花迷日月巖樹雜隋唐寄語陶元亮無憐三徑荒

採藥逢鵝蕊穿林半女蘿雲霞曳冠蓋水竹傍巖阿客過花偏落興來鳥自過猶言曲池上已可狎煙波

聞潯陽宗伯九日載酒宴鎮山司空於平

望之許予不及從抽毫以賦

司空初擁傳學士久還家言以三秋客同尋九日花歌唇嬌綠水舞袖亂青霞獨向周南滯中林倍自嗟

過阜林弔戰沒諸將祠

并序

倭夷內犯以來國家所徵材官宿將未聞有摧破之者獨阜林一戰所擁河朔騎士特八百人而夷酋以下被斬馘者無筭惜也絕餉又絕鄉導故遂戰沒然

而賊將徐海尋亦震怖屈首受縛且服
誅矣古所稱李將軍其敗亦足爲功於
天下者是也部中霍貫道尤爲卓犖予
練兵河魏時故校嘗於馬上搏胡兒軍
中服其賈勇是戰也帳下瘡痍之卒間
過予泣而口之者如此悲其事特揭于
壁併貽里之人云

漁陽突騎將死日氣猶生戰骨怒埋草夷曾屈
受纓沙中刀劔血江上鼓鼙聲伏臘村翁過于
今涕滿膺
當年冠軍者獨數霍嫖姚督戰餓猶急衝堅陷
復梟部中服飛將海上泣天驕獨惜一偏裨誰
令疏漢朝

攜酒崇德道中司空鎮山公卽席一首
言借三秋色相將千里隨劔憐別後合日向語
中移一石休辭醉百年能幾知明朝驛舍柳應
已挂離枝

送鎮山司空瀾上賦別三首

牽花淚欲泣理棹興還同言向青山路翻悲黃
葉風吳門飛鳥盡楚驛去帆通欲識魂銷處江
淹別賦中

浮雲欲爲別芳草總含悽雙劍分虹影千山隔
馬蹄我留滄海釣君暫碧山棲異日徵書至樟
亭還共攜

黃金堤已就 天子豈忘功暫罷山陵使還
憐瓠子宮動名萬里外日月五雲中昨夜占星
色文昌拱上公

吳太守韞菴過訪大佛寺中

郡中二千石鐘梵此經行豈以采風暇言尋初
地盟林中演上乘花下悟無生坐久忘歸去懸
知說法情

聞周三泉起官

海上早投劾山中共息機人攀高士傳林下釣
魚磯避日景逾疾挂冠情已違驛書抵南郡強
爲漣朝衣

江上舟行不寐

中宵渾不寐豈獨賦悲秋猿嘯窻前落江聲枕
上流羈心迥千里芳草滯孤舟遙憶故園裏碧
梧人倚樓

溪行

秋色擁樓船凌波杳若仙捲簾移浦樹伐鼓下
溪煙范蠡載何在米家畫可憐何當掃風雨明
月挂前川

贈胡秀才

之子美如雲清秋興不羣問年洛陽少草賦櫛

衡文不厭貂裘敝何煩彈鋏勤如逢茂才詔一
日漢庭聞

醫者劉少雲過治山妻疾賦詩謝之

客抱越人術言過王母廬囊中養生訣肘後古
方書調飲供仙露持糧飽禹餘衰年符再起敢
忘佩瓊琚

輓臧一山

邵國推三老林間吊太丘素封千樹啓世業一
經收故劔花間榻藏書竹裏樓我來問遺事心

折萬山秋

重過聖水寺

入林思挂幘立馬且逃禪况復舊遊處堪憐問
法年塵懸忍草外題剝覺花前暫此支願臥能
忘一切緣

送郡太守栗公勒兵上谷

三年龔渤海一日李輕車共勒材官騎言屯野
戍花呼韓初款塞遼海尚鳴笳寄語諸飛將天
驕未一家

送徐孺東李會川二公入朝

天子重循吏文昌拱掖垣茂陵徵魏相槐里召
王尊並草明光署連鑣金馬門 聖朝方側席
何以慰臨軒

與友人對奕

賭野春長醉竹樓秋共攜幾逢王粲覆數讀孟
堅題破壘山禽舞劫圍櫪馬嘶局殘松影裏不
覺夕陽西

七月三日過樵李城移舟避暑南湖

雲漢火初流江城暑未收慚非蒼水使倦倚木
蘭舟伐鼓冲鳧鴈凌波問斗牛夜闌芳杜曲露
氣貯新秋

初秋苦熱二首

何處乞新秋炎蒸似甌流不逢袁紹飲總入馬
融愁仙掌露堪吸陰山雪尚留願言跨黃鶴萬
里碧天遊

不堪旅邸臥却憶南山行野鳥隔花語江獾深
樹鳴未嘗餐玉法無復賜冰情安得逃虛去滄

浪爲濯纓

訪施南石不遇

溪暗芙蓉雨林藏薜荔秋堪憐授轄井獨倚著
書樓君擬戴安道我慚王子猷到門題字罷誰
爲夕陽留

李比溪致仕來歸贈詩二首

我憐解龜早君亦乞山歸懶向督郵吏因耽薜
荔衣柴車且共載花徑暫相依日日青谿上雙
看鳧鴈飛

罷官無訝早間齒較嫌遲招社君推首看雲我
杖隨柴桑同漉酒角里共餐芝寄語折腰客何
如花下詩

秋日訪養生者

君抱列仙傳我尋秋水堂却憐劔佩影猶帶芰
荷香掌上戲禽訣囊中服玉方鴻濛羈爾笑無
語答雲將

秋江夜行聞吳歌

無耐清秋客那堪子夜歌響經花露遠愁入旅

魂多江水鮫人窟天街織女梭此時聞亦淚併
欲濕煙波

送王方麓公入朝

三朝採風使再命皁衣郎豈抱積薪歎猶瞻捧
日光鳳池新侍從鴈塔半巖廊貢禹彈冠過應
憐鬢已蒼

贈堪輿者戈丹山

鬼谷已仙去青囊誰爲傳山能占鳳舞地併識
牛眠樗里百年兆南陽何處阡他時藏劔珮無

負故交緣

張雲橋爲病妾寫容詩以謝之

憐君寫病骨却憶少年時秀吐朝霞色清看瓊
樹枝初疑花下出翻似鏡中窺顧景粲然笑閨
娃竝解頰

簡石東泉廷尉

賈生洛陽少霞矯絳帷前言別三千里經今二
十年文章美麟鳳霄漢迴鷹鷗鳴珮清秋裏遙
將一札傳

陳康衢囊詩過訪草堂

閉關亦已久黃鳥忽投林帶縮藤蘿影詩邀山
水音相逢悲歲晚惜別過花深他日鹿柴社期
君得共肅

穠夜過石塘丈見其父子兄弟間宛然漢
萬石君家之遺焉感而賦此

言以三秋日來尋萬石君文章爾雅厚質行魯
儒聞座上箕裘紹階前花萼芬夜深猶執袂佳
氣共氤氳

有客出獄後過訪山中賦贈

嗟爾南冠客悲秋思獨深逢人青白眼當酒短
長吟劔蝕豐城色琴餘爰里音翻憐似孤梗江
海任浮湛

予家世埭溪適堪輿俞小江爲予卜葬溪
之深賦此

先人荆墓地此日首丘情敢謂馬牛兆都憐山
水清星文掌上合佳氣望中生倘及衣冠藏手
秋懷令名

秋日茗上曉行

落月縮溪行微風挂席輕霄光掌上沒爽氣望
中生采采芙蓉露蕭蕭鴻鴈聲前村樹色裏漸
覺曙煙橫

醫者陳一泉過草堂以故鄉移書相迎再
歸東越

堪憐臥病久翻被折肱求幾度滄江晚頻歸禹
穴秋山中尋藥徑花外訪丹丘倘就長生訣無
妨覓舊遊

丙子秋逢初度偶述

甲子若飛轂於今又五春
宦遊久垂翅藝苑亦成塵
對鏡不須鑷看花欲愴神
何如入深谷聊作息機人

感故交偶述二首

黃金散且盡白髮醉還歌
賓客已飈逝庭除可雀羅
一瓢挂藤影孤檻俯煙波
獨有南山色疎簾晚故多

鄭莊已中廢樓護罷招攜
何處沐猴舞惟聞櫪馬嘶
花猶故枝發鷺入隔年啼
何獨交零落應憐翟尉題

初秋日洞庭鄭山人過訪草堂

家住五湖曲遠攜秋色
過林疑對水碧人似帶
煙波坐覺炎氛掃應憐
逸興多手持竹如意花
下醉還歌

寄汪南明司馬

中夜占星色文昌挂歙州
遙攀草玄處光射海天
秋幾夢三都賦長懷五嶽遊
美人看不見獨

倚著書樓

答李桐廬簡寄

借問桐江水何如縣令清一封傳尺素千里照
孤城劔憶黃金錯琴遺白雪聲恨無七襄報應
愧古人情

內弟姚海屋致仕來歸賦寄三首末并感
悼亡內不能已爾

以我早垂翅逢君初挂冠年衰欲共惜別久復
爲歡客難不須答宦貧何足歎黃花滿三徑歲

晚許同餐

恥爲折腰吏甘作灌園人但習嵇康懶何辭陶
令貧賣文堪給稅貰酒可攜賓減產那從問一
瓢茗水濱

白頭姊何在早已悶重泉却恨辭官晚翻悲別
袂年寢樓塵蕙帳粧鏡罷花鈿攜手泣相向婁
風咽逝川

海屋來歸攜酒逆之雪溪道中席間再賦
他時千里夢此夕故人盃髯捋鐏餘白心憐別

後灰溪山入鄉邑
劔珮改塵埃
痛飲無辭醉
百年能幾迴

秋日晚步郊上

野色入秋曠
况逢日暮時
無風雲自散
不夜露先垂
百里冰壺影
千林瓊樹枝
興來舞如意
那得廢吟詩

王山人秋日過草堂燕集

我抱黃花興
君隨白鴈來
故交病後合
秋色掌中開
雙舞復雙唳
一歌還一盃
長生屬歡飲
無

訝百年催

夜同姚海屋燕集

不嫌數投轄
却惜共頽年
况屬客離久
能無星聚憐
寒花邀座上
華月侑巖前
休指鄰酤盡
茗川卽酒泉

夜過海屋城南新居題壁

半畝煙花曲
一椽闐闐間
暫移白玉塵
聊閉綠蘿關
孤檻窻中水
疎簾掌上山
月明清嘯處
可許共誰攀

蔡崇德移官賦詩送之二首

采風過江上君獨似河陽萬戶鸞花潤孤城草
木香訟庭餘鶴斨邸舍只琴囊共道移官日壺
漿擁道傍

予家茗水上併及沐恩波不獨專城寵曾經露
冕過溪山映冰玉井邑散絃歌異日碑遺愛應
無愧曲阿

俞小江舉子寄詩賀之

南來紫氣翔早已兆珪璋豈特山川秀還占象

緯光箕表今有托我輩喜如狂笑指桐江水君
家福慶長

贈郡守及泉公入覲

奏計千官入朝元三殿開遙知避驄路初識畫
熊來 詔賜尙方食恩傳湛露盃珮聲卿鬪裏
五色近蓬萊

送包渚泉別駕赴饒州兼簡潘印川督府

三載執金吾南州佐郡符軒車紛故里弩矢耀
前驅驛路隨陽鳥人煙帶蠡湖中丞問近草早

已著潛夫

送邑令鄭雲石入覲

借問雙鳧鴈翩翩何處歸却憐使星色遙向
帝城飛山谷壺漿出兒童竹馬依 君王倘借
冠猶及再瞻輝

賀吳養貞續絃

憐君久撒瑟歲晚復援絲一曲流初夜陽春入
蕙帷草垂綰帶綠花發合歡枝併落西樓月窺
妝似畫眉

同堪輿者尋葬地感賦

無著生猶寄須知死却歸百年願裸葬何處卜
薪衣中夜猿同嘯空山鶴共飛倘逢樗里兆那
惜露先晞

贈張小越年丈

紫氣隔花翔張顛過草堂移文誚山水噴墨罵
侯王對客眼偏白當盃醒亦狂平生多澹宕歲
晚却遊方

丙子除夕壽天泉太史年丈

初罷南冠繫言逢太史辰中宵歡送臘故里競
占春桃戶迎佳氣椒盤獻五辛還將歌與舞共
祝歲華新

贈顧秀才新婚

憐汝年猶少虹霓氣已揚傳經推左氏草賦擬
靈光復道乘龍日還看合巹祥今宵牛與女春
色滿河梁

夜過譚參軍官舟中賦別

無耐薜蘿路言尋鴻鴈羣劍光千里合客夢一

燈分別向吳關雪愁牽楚塞雲何當借芳草江
上共留君

過南石丈樂餘園三首

辭家浮絕壑隔水築丹房豈擬逃虛去言尋不
死方竹深霞命服花裡露調漿卽此探仙訣何
須訪石梁

初俯花前檻再登池上樓芰荷疑入夏鴻鴈忽
先秋水引武夷曲林藏鬼谷幽何當習餐玉暫
此卜丹丘

不特園林美仍兼風物殊望中雲母障掌上輞
川圖曲水清還淺孤煙澹欲無飛塵應不到自
許擬潛夫

題陳中丞且適園二首

中丞歸故第傍市卜名園君子花迎檻先生柳
作樊池邊看鶴舞樹裏聽禽言到此已忘世何
云祇避喧

猶言興未已醉後復登樓笑指湖邊岫遙分竹
裏秋飛塵應不到好鳥獨相求况有藏書富還

同李鄴侯

蒼梧遇項甌東大叅

十載違江海頽然守故吾未須憐宦拙且共論
心符戰蟻君應少亡羊我詎無此情何以照早
擬對冰壺

胡錦衣過山中席間賦贈

幾年散江海此夕對薜蘿况感先司馬還憐楚
大夫劔將千里合盃共一燈呼笑指松蘿影能
忘攬帶無

白華樓吟稿卷之五
三
秋日吳司訓赴弋陽王府教授餞之湖上
南郡推文學王門再曳裾盃憐山色裏人別露
華初千里梁園客中朝兔苑儒到來新賦草爲
寄海東漁

醫者丘生過訪山中

有客雲間過凌秋一葦杭自呼青鳥使來訪玉
芝房海外仙人草山中石髓漿花前臨問姓疑
卽漢韓康

白華樓吟稿卷之五

